



Kommunane i Vestland
Adresseliste regionråd
KS Vestland

Saksbehandlar, innvalstelefon

Marit Lunde, 57 64 30 05
Håvard Rød, 55 57 21 43

Skjønsmidlar til fornying og innovasjon (prosjektskjøn) i kommunane 2022

Statsforvaltaren vil fordele skjønsmidlar til fornying og innovasjon (prosjektskjøn) i kommunane for 2022. Vi har for 2021 fordelt om lag kr 14,0 mill. i prosjektskjønsmidlar til kommunane. Vi legg opp til å fordele prosjektskjønsmidlar for 2022 innafor ei førebels øvre ramme på kr 15,0 mill.

Vi vil skyve prosessen med fordeling av prosjektmidlane fram i tid, samanlikna med prosessen i tidlegare år. Målsetjinga er at kommunane skal ha informasjon om fordelte midlar tidleg i budsjettåret.

Vi inviterer med dette kommunane til å søkje om skjønsmidlar til fornyings- og innovasjonsprosjekt for 2022.

Det er ei utlysing av midlane for 2022. Søknadsfristen for kommunane er sett til måndag 1. november d.å.

Retningslinjer

I retningslinjene frå Kommunal- og moderniseringsdepartementet går det fram at prosjektskjønsmidlane skal bidra til fornying og utvikling i kommunane. Føremålet er å gi kommunane støtte til å prøve ut nye løysingar i dei ulike tenesteområda for å gjere tenestene betre for innbyggjarane, få meir lokal fridom, og mindre administrasjon og detaljstyring.

Departementet har i retningslinjene presisert at det berre er kommunane sjølve som kan søkje om midlar og stå som ansvarlege for prosjekt. Kommunane kan likevel samarbeide med andre aktørar. Det må vere kommunane sjølve som skal vere den sentrale parten både som initiativtakar og deltakar i dei prosjekta som får tildelt skjønsmidlar.

Kommunane må syne til ein gjennomtenkt og realistisk prosjektplan og gjere greie for utfordringane sine. Det må bli vist til klare målsetjingar for prosjektet, og dessutan gjort greie for aktuelle verkemiddel eller løysingar som skal bli prøvd ut i prosjektet.



Det blir ikkje gitt tilskot til utføring av ordinære driftsoppgåver. Interkommunale prosjekt vil i hovudsak berre kunne få tilskot i etableringsfasen. Statsforvaltaren gir ikkje tilskot til næringsutviklingsprosjekt, då dette vil kunne overlappa med fylkeskommunen sine verkemiddel og ansvar.

God formidling av prosjekta som får tildelt midlar er viktig, også for å syne det som blir oppnådd av nasjonale mål og føringar. Informasjon blir også lagt ut på Statsforvaltaren sine heimesider.

Aktuelle føremål i 2022

Statsforvaltaren ønskjer å stimulere kommunane til prosessar innan og mellom kommunar for å kunne utvikle tenestetilbodet, bruke ny teknologi og få betre økonomi i drifta. Vi vil understreke at vi prioriterer å støtte samarbeidsprosjekt som omfattar fleire kommunar, mellom anna for at prosjektmidlane skal få større nedslagsfelt og gi betre læringseffekt.

Vi vil vidareføre dei same søknadsføremåla som i 2021 til 2022.

Vi ønskjer difor at kommunane også for 2022 særleg vurderer følgjande søknadsføremål:

- Kommunale tenester til helse og omsorg
- Kommunale tenester til barnehage og skule
- Kommunal tenesteutvikling for utsette barn og unge
- Digital forvaltning, der samarbeidsprosjekt mellom mange kommunar blir prioriterte
- Interkommunalt planarbeid
- Samfunnstryggleik og beredskap
- Klima- og miljøutfordringar knytte til klimaomstilling, tap av naturmangfald, eit giftfritt miljø eller endringar i havmiljøet

Kommunal forankring og ansvar

Det blir lagt vekt på at prosjekta har ein overføringsverdi, er forankra i kommuneleiinga og hjå tilsette. Prosjekta bør gi klare kvalitetsforbetringar eller effektiviseringsgevinstar. Konkrete gjennomføringsprosjekt blir prioriterte framfor utgreiingsprosjekt. Det vil ikkje vere mogleg å få støtte til kjøp av utstyr. Vi vil også understreke at prosjekta skal ha eit reelt fornyingspotensiale.

I retningslinene for skjønstilskot frå departementet var det tidlegare lagt til grunn at det må vere ei kommunal eigenfinansiering. Sjølv om det ikkje lenger er eit krav at det skal vere kommunal eigenfinansiering, vil vi prioritere prosjekt der det er minst 50 prosent kommunal eigenfinansiering.

Prosess for tildeling

Kommunane kan søkje om skjønsmidlar til fornyings- og innovasjonsprosjekt direkte til Statsforvaltaren. Som tidlegare skal det sendast søknad på eige søknadsskjema som ligg i portalen for prosjektskjøn. Denne finn du her: <https://prosjektskjonn.fylkesmannen.no>

Den i kommunen som søker må nytte Id-porten (til dømes bank-id) og må leggje inn personopplysningar, e-postadresse i kommunen, rolle(søklar), og kommune (obligatorisk). Førespurnad om godkjenning som søklar blir send til Statsforvaltaren gjennom portalen. Når godkjenning er gitt, kan søklar gå inn på <https://prosjektskjonn.fylkesmannen.no> og fyller ut søknad.

Søknadsperioden for 2022 er lagt opp frå 01.09.2021 til og med 01.11.2021.



Regionråda og KS kan innhente informasjon om søknadene frå kommunane og/eller hente informasjonen frå den nemnde portalen. Dersom regionråda og KS ønskjer å uttale seg, ber vi om å få brev med framlegg til prioritering mellom søknader innan **måndag 8. november 2021**.

Rapportering

Rapportering for prosjektskjøn for 2021 må gjerast i same portalen:

<https://prosjektskjonn.fylkesmannen.no> Frist for rapportering for 2021 er 1. februar 2022.

For rapportering av prosjektskjøn for 2022 er det sett frist til 1. februar 2023.

Med helsing

Gunnar O. Hæreid
fung. statsforvaltar

Anne Kristin Kayser Eitungjerde
seksjonsleiar

Dokumentet er elektronisk godkjent

Kopi til:

KS i Vestland og regionråd

Adresseliste til regionråd:

Nordhordland Utviklingsselskap IKS, Postboks 13, 5902 Isdalstø

e-post: post@nordhordland.net

Hardangerrådet, Postboks 78, 5782 Kinsarvik

e-post: post@hardangerraadet.no

Regionrådet Vest, Fjell kommune, Postboks 184, 5342 Straume

Samarbeidsrådet for Sunnhordland, Postboks 444, 5403 Stord

e-post: firmapost@samarbeidsraadet-sunnhordland.no

Sogn Regionråd, Gravensteinsgata 17, Pb. 153, 6851 Sogndal

e-post: postmottak@sogndal.kommune.no

Nordfjorderådet, Pb. 294, 6701 Måløy

e-post: post@vagsoy.kommune.no

Samarbeidsforum i Sunnfjord (SIS), Pb. 338, 6801 Førde

e-post: trond.ueland@sunnfjord.kommune.no

HAFS regionråd, v/Per Arne Tveit, 6963 Dale i Sunnfjord

e-post: per.arne.tveit@fjaler.kommune.no

